



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Nomenclator Sanctae Romanae Ecclesiae Cardinalium Qvi  
Ab Anno Christi Millesimo quippiam commentati sunt, Sev  
Ab Eo Tempore quo Pontificis electione ad eos tantum ob  
Romani cleri multitudinem ...**

**La Rocheposay, Henri-Louis Chasteigner de**

**Tolosae, 1614**

A Ivlio II. Creati.

**urn:nbn:de:hbz:466:1-10735**

cium incredibili auditorum frequentia & admiratione, nunquam rarefcenti auditorio, Philippo Decio acri æmulo concurrente, interpretatus est: scripsitque, ut author est Pocciantius, complura notitia dignissima, decretorum difficultates enodantia, sed impolita, & quibus extrema desit manus. Obijt Romæ an. 1524. sepultusque est in æde. S. Mariæ de populo cum hoc epitaphio.

*Francisci Soderini Episcopi Ostiensis & Volaterrani depositum.*

HADRIANVS CASTELLENSIS Cornetanus Italus, ex Episcopo Erfordiensis, & Bathoniensis Cardinalis, primus omnium memoriâ nostra fuit, qui post Ciceronis sæculum suis scriptis mortales ad perfectas literas ex probatissimis authoribus hauriendas excitauit: scripsit autem latinissimè tersâ & defecatâ dictione.

De modis latinè loquendi.

De vera Philosophia libros 4. ex quatuor. Ecclesiæ Doctoribus, conscriptos, variâ eruditione & multa pietate refertos.

Venationem ad Ascanium Sfortiam Cardinalem versibus Phaleucis.

Iterque Iulii Papæ 2. versibus Heroicis? Obijt circa annum 1518. Sed quo loco incertum: tentatis enim sub Leone x. Pontificatus arcanis, ex spes vitæ ubi facinus in aperto esse subsensit, in umbrante vesperâ arto comitatu Româ egressus est; suffugium procul vrbe quæsiturus, imminentemque perniciem voluntario exilio præuerrere fatius duxit.

---

A IULIO II CREATI.  
GALEOTVS FRANCIOTVS de Ruuere, ciuis &



Episcopus Lucensis Iulii, 2. ex sorore nepos, Cardinalis, cum nondum maturæ ætatis diem obierit, pauca scripsit; Extantque duntaxat Odæ eius aliquot præcoces primitiæ, ingenij tamen indices, vt refert Folietæ. Obiit anno 1708. funebrique oratione à Phædra Volaterrano laudatus. Sepultus est in Basilica Vaticana cum hoc Epitaphio.

*Deposum Galeoti Cardinalis S. Petri ad vincula.*

MARCVS VIGERIVS Sauonenfis Ord. Minorū, ex Episcopo Senogalliensi Cardinalis, Patauii concurrente Antonio Trombeta, Theologiam publicè professus, eodem munere in Gymnasio Romano egregiè functus est, hominumque opinioni abundè respondit. scripsit

Apologiam contra Conciliabulum Pisanum.

Tractatum de Antichristo.

De tollendis abusibus Dialogum.

Decachordum.

De ferro lanceæ & Christi indumentis eorumque dignitate.

Et alia quædam. Obiit Romæ anno 1716. Funebrique oratione à Camillo Porcario laudatus;

Sepultus est in æde S. Mariæ trans-Tyberin.

ROBERTVS GVIBE' Gallus ex Episcopo Rhedonensi & Nannetensi Cardinalis, scripsit

Orationem ad Innocentium 8. habitam, cum Fræncisci vltimi Britannia Ducis nomine, eidem Pontifici obedientiam exhiberet. Obiit Romæ anno 1713. Sepultusque est in Ecclesia S. Yuonis.



FRANCISCVS XIMENES Cisnerius Hispanus Ordinis Minorum, ex Archiepiscopo Toletano Cardinalis, Complutensis Academiae institutor, cum Hebraica & Chaldaica linguae peritissimus esset, plurima à studiosis valde exoptata elaboravit; ut refert Tossignanus, sacraque Biblia variis linguis Chaldea, Hebraea, Graeca & Latina Complutisummâ accuratione Tomis 6. imprimi curavit. Leonique x. succulenta praefatione apposita demissè dicavit. Extant quaedam eius Epistolae ad Carolum Bouillum & alios. Iacetque in Ecclesia Complutensi cum hoc Epitaphio.

*Condideram Musis Franciscus grande Lyceum.*

*Condor in exiguo nunc ego sarcophago.*

*Prætextam iunxi sacco, galeamque galero.*

*Frater, Dux Praesul, Cardineusque Pater.*

*Quin virtute mea iunctum est diadema cucullo:*

*Cum mihi regnanti paruit Hesperia.* *Obiit an.*

*1517.6. Idus Nouembris, die Dominico anno sui Pontificatus 22. aetatis vero circiter 80. Ximenij res gestas Aluarus Gomezus libris 8. perscripsit.*

ANTONIUS DE MONTE ARETINVS ex Archiepiscopo Sipontino Cardinalis, Leoni x. author fuit ut Lateranense Concilium indiceret, cuius acta collegit, & typis mandari curavit. Romæ sepultus est in eade S. Petri de monte aureo cum hoc Epitaphio. Vincenzio Pimpinella in eius funere orante.

*Deo Opt. Maximo. Antonio Fabiani filio de Monte. S. R. E. Episcopo Cardinali Portuensi qui ob singularem Casarei & Pontificij Iuris scientiam Urbanis fere omnibus I. D. Magistratibus*



tibus sub Innocentio 8. Alexandro 6. & Iulio 2. Pontificibus Maximis sanctissimè gestis, ab eodem Iulio per omnes dignitatum gradus in Cardinalium ordinem ascitus est; multisque inde Reipublicæ muneribus domi forisque præfectus, ac in Umbria semel Leonis x. & Clementis 7. in urbe iterum Legatus, eam semper præ se integritatem, prudentiam, pietatem tulit, ut Romana Ecclesia non iam fratrem ac membrum nobilissimum, sed caput ipsum & patrem eius morte amisisse visa sit. Vixit annos 72. è vita excessit anno Christi 1533. Iulius 3. Pontifex Maximus Patruo Charissimo, ac de se & Balduino fratre suo optime merenti, fecit.

ACHILLES DE GRASSIS Bononiensis Cardinalis, ad Heluetios Polonosque Sedis Apostolicæ Nuncius, & ad Ludouicum 12. Galliarum Regem Legatus, scripsit Decisiones Rotæ iam pridem editas. Obiit anno 1523. Romæ sepultus in Ecclesia S. Mariæ trans-Tyberim cum hoc Epitaphio.

Achilli de Grassis Episcopo Bononiensi huius Basilicæ Cardinali, morum gravitate & Legum peritiâ nulli secundo, in quo nullum iustitiæ, modestiæ, ac liberalitatis genus unquam desideratum est. Vixit annos 60. Clementi 7. & uniuersæ Curie maximo de se desiderio relicto.

---

A LEONE X. MVSARVM  
PARENTE CREATI.

LAURENTIUS PUCCIUS Florentinus ex Episcopo Pistoriensi Cardinalis, cui Erasmus & Baptista Mantuanus libros inscripserunt; Leone x. imperitante inter instrumenta Pontificatus habitus est, cum vni Puccio ex sententiâ ministro, omnia Leo concederet. scripsit  
De